




江忠烈公事略

弟壯節公忠濟

公諱忠源字岷樵湖南新甯人爲諸生究心經世學不屑屑章句充道光丁酉拔貢出境討賊之始始至敝衣糲項新甯地接廣西民獠雜處多盜公察天下將亂倡行團練法以兵法部勒子弟是爲也急犯之公堅壁如不敢戰賊再浩勾廣西賊爲亂鹽法道楊君炳堃總兵英君俊來縣合勦議徵兵公力止之自著善射奇中賞射虎十數軍中賞藍翎以知縣用是爲公以鄉勇討賊之始戊申謁選發浙江權知秀水邑被水災也怒馬馳救之並轡歸開公拜忘其災計擒劇盜十數人已大治巡撫吳文節公文鎔待以國士補麗水會

軍環之闕城北一面公與馬公

所知侍郎曾公國藩具疏薦有 旨召見吳公疏留辦海塘工閱四月工訖以父憂刺臂灑血盤水中呼將士共飲

等稔亂 朝命大學士賽尚阿公出視師聞公知兵疏調軍前副都統烏蘭泰公忠勇負氣與他將多齟齬一見公

深相倚重公募故所用鄉兵五百人使弟忠濬帥以來號楚勇是爲公以湖南鄉勇出境討賊之始始至敝衣糲項

諸軍皆匿笑時賊氛惡甚官兵數萬莫敢擾公築壘逼賊營賊以其少且新集易與也急犯之公堅壁如不敢戰賊

近前始開壁馳之斬首數百烏公拊掌謂人曰君等蔑視楚勇今何如侍衛開隆阿者善射奇中賞射虎十數軍中

號打虎將者也公長揖過之意噱公一日戰被圍矢且盡公登高阜望之曰必開公也怒馬馳救之並轡歸開公拜

曰活開隆阿者君也遂握手飲極歡累功擢同知直隸州 賞花翎時賊萃永安官軍環之闕城北一面公與馬公

請掘長壕聚殲之弗聽明年春以病歸賊果由北路犯桂林四總兵陣殉烏公以刀刺臂灑血盤水中呼將士共飲

涕泣誓師援桂林公在新甯亦力疾起出私財增募千人與今直隸總督劉公長佑倍道赴援至則烏公中礮卒城

圍逾月公進扼東岸之鷗鷺洲三戰皆捷四月勦桂林圍解擢知府賊趨全州公間道敗之唐家司全州旣陷銳意

趨湖南公先諸軍扼富塘埔賊度不能越則悉輜輳重舟中期水陸並下公伐樹塞河截賊蓑衣渡鏖戰兩晝夜逆

舟挂樹不得前僞南王馮雲山中礮死盡獲其輜重賊遂東走道州初公慮東岸空虛白當事請分軍扼截弗許請躬率所部往又不許至是賊果由東岸竄湖南矣方賊之奪舟而下也天雨水漲由永州至衡州數日可達程總督喬采時駐衡聞警走長沙知府陶君恩培留之不可鮑提督起豹亦議去永州會聞蓑衣渡之捷人心稍固總督仍還衡郡及賊踞道州衆猶不滿萬公慮日久裹脅衆乃建議分防不如合勦遠堵不如近攻七月賊自藍山嘉禾犯桂陽旋陷郴州公上言後路追勦愈前路攻陷愈多請仍申合勦議當事皆漫不省賊則益張公在郴州約總兵和春公由石子嶺潛師出賊前未至賊竄永興以萬衆留郴相牽制公策永興賊必由茶陵醴陵犯長沙乃倍道由衡州援省會賊已踞城南及小西門窟穴於民壓攻甚急南城外天心閣地勢高賊方柵其上公望見驚曰賊據此長沙危矣急帥所部爭之死傷二十人督戰益力賊退趨移壘去賊數十武共汲一井擊柝聲相聞自是長沙止南門受敵賊巢背水面城當絕地雖後隊踵至無能爲矣會僞西王蕭朝貴中礮死賊數穿地道又先後爲副將鄧君紹箕瞿君騰龍所拒氣少沮逾旬洪楊大股至勢饒復張公弟忠濟自郴尾之約公夾擊方戰賊伏叢塚間挺矛刺公傷腓墜馬遇救免時新撫張公亮甚至前巡撫駱公秉章與幫辦軍務前湖北巡撫羅公繞典均夙契公就詢方略公以官軍四面集惟河西一路虛請調重兵駐龍迴塘扼賊竄路期盡殲張公尤驢之而河西諸將遂巡莫敢前當是時襄公罷免新帥徐公廣縉久不至城內外巡撫二提督二總兵十莫相統攝謀用不成公憤甚躬赴湘潭力請於徐公不省賊卒由龍迴塘竄出掠舟西遁而東南大局隳矣十一月公追賊至臨資口屬巴陵土寇起檄公留勦事平而瀏陽匪渠周國虞之事起先是國虞等故與粵西賊共爲邪會衆萬餘人粵賊至即起應之已復止當事始掩覆之至是將乘官軍之下爲亂湖南公出不意進討張示散脅從許自首免誅十二月十八日賊來犯設伏敗之斬首七百首免者萬餘人瀏陽平公時以援湖南功擢道員矣二年正月張公權湖廣總督疏調公旋授湖北按察使時賊棄武昌東下公私掃地一切倚公辦又平民之起爲賊者通城劉立簡崇陽陳百斗嘉魚熊開宇等有

衆數千皆討平之遂奉幫辦江南軍務之命公拜疏言軍事請嚴軍法撤提鎮汰弁兵明賞罰戒浪戰察地勢嚴約束寬脅從凡五千餘言又疏請四川湖南湖北三省分造戰船習水師令廣東籌款鑄礮是爲公籌畫東南大局之始疏入

上嘉納之四月公率軍東下廣濟賊宋關祐等抗糧爲亂戕守令聚衆數萬公就便征之戰三捷斬首五百有奇生擒三百人釋其半令轉相解散詎旦賊大至又敗之訊俘多即釋歸者乃駢誅之五月至九江賊自皖江沂流上距城四十里憚公威名不敢近改由彭蠡犯南昌時公奉命援鳳潁即抗疏改道援江西軍士方患暑疫汰之得人千三百以五月十六夜抵南昌凡三晝夜行五百里賊不意公乍至驚曰來何速也章江門最受敵公自當之宿譙樓熱城外民舍十八日賊舟蔽江至薄城礮擊之稍却趨得勝門以門外民居阻雨未盡焚也方賊至營兵四人將總城走公立斬以徇曉夜躬巡礮碎從者首不爲動賊穴地轟城公鑿隧道迎之三次藥發陷城八十餘丈公及弟忠濟力拒之賊死傷山積不能入

上頒賜玉翎管及挾拾各二時湖中授師先後集賊氣沮圖竄吉安臨江而安福泰和萬安寇復起公乃分軍樟樹鎮扼賊衝檄羅公澤南等勦泰和各屬平之時羅方以訓導援江西也八月二十二日圍解方公遣援時巡撫以下皆持不可公曰南昌兵逾萬留三千人不見多若泰和賊與南昌賊鉤連上下路絕此危道也已獲賊謀得其往來書果約急攻吉安如公言提聞

天子加公二品服

當是時公義聲震天下師及德安聞賊上犯公急往助守田家鎮以二千人渡江而令後至者問道趨武昌備緩急時司防者武昌道徐君豐王漢黃道張君汝瀛用戰艦扼江而南岸半壁山不設備公至訝之急揮兵據險賊已先我至水陸交訌師遂潰公至甫一日也徐張二公死之貴州漢陽陷惟武昌以公援應得全賊懼公躡其後尋引去初公以田鎮之失餉四級至是奉命巡撫安徽公疏請增兵萬人當一路又念行省新改廬州爲南北樞紐去稍遲賊且北竄遂以二千人先發而湖北巡撫崇綸強留公所遣援軍公於是益孤矣抵六安適舒桐告陷士民遮道留公公病入城繕守備人心稍定廬州警報日夕至知府胡元煒具言城中軍實裕團丁可萬餘人請速往公乃留

千人守六安自率數百人入城知府來謁公詢守具以方籌畫對糗糧軍火一無有公審其有異志擬誅之未果越二日賊大至團丁鳥獸散公力疾登陴誓死守城周二十六里合主客兵裁三千賊仍用地雷轟大西門月城繼轟文昌門公親督楚勇殊死鬪殲賊數百人疏陳守禦狀

上特賞公霍隆武巴圖魯名號賊自十一月十二日

合圍公堅守逾月賊輦氣將遁矣有內奸以城中食乏軍火且盡告遂增闕隧道以十二月十七日昧爽併力攻逾時水西門城塌十餘丈公且戰且修築忽傳賊自南門緣梯入人聲鼎沸公知事不濟掣佩刀自刎左右持之一僕負公行公不可則嚙其肩及耳血淋漓僕創甚委公於地賊逼公轉戰至水關橋之古塘被七創奮投橋下死之同殉者同知鄒君漢勳參將馬君良勳自六安從公入城者也參將戴君文瀾縣丞袁君延輝自湖北來援乘間入者也布政使劉君豫鈐池州知府陳君源堯同知胡君子雛副將松安君縣丞興福君皆死而知府竟降賊前以城中虛實告及置梯南門皆其勇目徐淮所爲也公困孤城時援師十餘壁皆不能前十二月十二日公弟忠濬自湖南募師來援與劉公長佑殊死戰不利及再戰而城陷矣後八日舊卒周昌發冒死入城負尸出而如生事聞

上震悼追贈總督 賜祭葬 予諡忠烈封公三代如其官 命廬州及湖南江西各建專祠公性英烈與人交披

瀝肝膽終始不渝同年生武岡曾如鑑暨湘鄉鄧鵠齡陝西鄒興愚先後客死京師貧不能返葬公皆身護其輓歸治軍推赤心待人得其死力所過無秋毫犯每戰親陷陣陣風發誓不與賊俱生尤料敵如神能以至少擊至衆故所向有功居圍城每夕必巡城一周見士卒食苦輒呼七箸取嘗之曰適巡城飢與君一共此味耳以故士卒感服無忍背者賊起嶺西峒蠻耳王師且十萬環視莫敢先公以書生倡勇敢軍氣爲一變其後楚軍輩出卒克金陵夷大亂皆公風聲所起也公建三省會勦議請治舟師扼上游今大學士曾公卒用此肅清江而成大功公存亡實關天下安危豈僅以一死激頑懦哉初公計偕入都嘗過曾公語移時去曾公目送之曰平生未見如此人旣而曰此人必立名天下然當以節烈死自公死海內識與不識下及婦人孺子皆爲流涕祠祀徧江以北公旣薨之二年

上猶下前疎軍中其知公深矣五年援賊屯大蜀山上有公祠夜見列炬焚燹劍槩聲相摩賊驚遁祠得全輿歸柩尙在城別賊自東安犯新甯攻七晝夜敗去訊賊黨具言酣鬪時見藍旗軍突出遂不支藍旗者公部向所用旗時實無此軍也或謂公靈不昧雖死猶殛賊云公年四十有二父上景歲貢生昆弟四公長次忠潛今任四川布政使次忠濟道員陣殉通城次忠淑累擢道員子二孝椿以忠潛子嗣孝棠遺腹生

忠潛字汝舟幼從忠烈公學道光二十九年李沅發作亂公倡募鄉勇有復城功咸豐二年粵賊犯長沙佐忠烈守城戰甚力三年忠烈赴武昌以舊部千人屬君與劉君長佑留長沙勦土匪及忠烈勦賊通城時崇陽嘉魚賊蠡起忠烈兵單君與劉君倍道進援抵崇陽大破賊斬首逆陳北斗及餘黨數百人進攻通城賊數萬圍官軍數市忠烈拊君背曰非弟不能破此賊語未竟君挾雙刀大呼躍出衆從之忠烈援枹鼓助戰衆殊死鬪賊大潰生擒渠魁張西園等二十餘人斬獲無算湖北土匪平及守江西賊轟城圻十餘丈君督壯士百餘囊土築之俄而城大圯築者悉陷君跳而免越二日地雷復發城圻八十餘丈賊譟而登君斬先登者二人賊乃退麾勇急築之復穿地道出城繫濠城下引水注之賊所爲隧道盡廢省城獲全君先以功保通判加五品銜 賜孔雀翎至是圍解 詔擢知府

尋以省母歸君弟忠淑奉檄勦賊通城兼督治團練會以疾請假巡撫駱公命君往代尋調赴永州堵勦粵寇敗賊於藍山再敗諸嘉禾又敗諸甯遠連復三城殺賊二千計 詔以道員用六年駐防岳州湖北巡撫胡文忠公請移勦通城至則召本地團勇千餘置營後助聲威出不意破賊四營賊遂悉銳來犯衆數萬四面圍官軍或勸君宜退叱斥之戰益力賊從後營攻入團勇驚散陣亂君立營門大呼殺賊手刃回顧者數人策馬奮砍力竭遂死之年三十有八時四月四日也是役營勇三千死幾盡無一降者事聞 贈按察使銜 予卹典同治元年 朝廷追念死

事諸臣與忠烈公同膺 諭祭 特旨予諡曰壯節

咸豐四年三月粵逆數萬人自金陵溯大江而上越安慶武昌再陷岳州過洞庭以戈船徧布臨資口等處知長沙有備遂由湘陰破甯鄉間道襲湘潭湘潭居長沙上游百貨所輳賊掠舟萬計分黨溯流規衡永當是時賊挾百勝之勢料官軍無能挫其鋒既得湘潭長沙不攻自困塔忠武公時方爲副將聞警投袂起帥所部兵勇會同水師血戰五晝夜大破賊殲斃溺斃燔斃數萬計時所部千三百人耳微此戰賊且溯湘源以達粵西老巢直下通金陵首尾一江相貫注大局將不可支烏呼公之功在社稷豈尋常一手一足之爲烈哉自時厥後公威名震天下由湘而岳而鄂所向克捷雖婦人孺子罔不知有公使天假公年平賊當較易顧以暴露行間久積勞成疾薨卒於軍此朝野官吏軍民無論識與不識莫不同聲一哭爲公悲且爲天下生民悲也公諱塔齊布字智亭姓托爾佳氏滿洲鑲黃旗人生而神識沈毅都統烏爾恭公夙器之由火器營護軍擢三等侍衛咸豐元年發湖南以都司用二年秋賊犯長沙以守城功擢游擊 賞藍翎署中軍參將時在籍侍郎曾公國藩奉 命督治鄉兵用明戚繼光法訓練束伍每校閱公必短後衣蹣跚帶刀侍曾公與語奇之試所轄兵皆精練副將清德方忌公嗾提督將加摧辱曾公乃劾罷副將薦公忠勇可大用且云塔齊布將來如出戰不力臣甘與同罪得 旨加副將銜三奉勦茶陵安仁土匪 賞換花翎記名以副將用四年二月率所部由平江進勦湖北通城崇陽賊會官軍失利岳州賊乘勢上犯曾侍郎水師退保省河公隨有湘潭之捷公之勦湘潭也始至次高嶺賊即奄至公手大旗麾軍士縱擊斬僞先鋒元帥九人賊敗潰逐北數里至城下明日賊大出犯公伏兵由左右設礮三重誘之及賊逼礮斃以百數賊大亂伏起夾擊之賊奪路走僵尸相枕籍遂薄城圍殲悍賊數百公深入幾中伏跳而免麾兵鏖鬪大破之城北賊柵皆盡其南則水師會勦焚賊舟數千并焚市廛使城外賊無所止火光燭天三日夜浮尸蔽江下其時領水師者楊公岳斌彭公玉麟及褚觀察汝航夏同知鑾也四月二日賊棄城夜遁凡六日湘潭平 詔加公總兵銜 賞喀屯巴圖魯名號 命署湖南提督未幾即真先是提督鮑起豹以清德之譴屢斥辱公至是起豹罷公代其位軍民快之時

敗賊猶駐岳州分黨陷常澧公馳抵新牆破土城三座舟師亦敗賊雷公湖又敗之道林磯公與羅忠節公澤南李忠武公續寶合軍攻岳州敗賊於高橋閣七月二日盡破賊壘賊棄城退踞城陵磯未幾賊舍舟登陸將據險爲營分三路來撲公亦分三路擊之賊抵死抗拒良久始敗潰追至擂鼓臺殲賊八百有奇公臨陣好四馬衝鋒戒從者不必從從亦無能及者尤好單騎薄賊壘覘虛實賊屢馳之瀕危得免有天幸一日攜親卒四人進覘擂鼓臺突遇悍酋獐髯睥目直呼公名橫矛刺其馬欲擒公親卒黃明魁躍起刺酋墜馬酋回刺明魁傷右脇公親刃酋殪之獲賊旗視所署字知爲僞丞相曾天養天養驍桀爲賊魁自楊秀清以外皆爲之下伏誅後賊黨爲之茹齋六日者也賊旣失悍酋奪氣退踞武昌公與羅公自臨湘進剿長安驛羊樓峒佛嶺大沙坪等處戰屢捷復崇陽蒲圻咸甯又敗賊於官步橋及徐李埔遂與羅公進屯江夏之紫坊初曾公在城陵磯約諸軍會紫坊至是召諸將議攻取武昌策定議羅公帥師攻花園賊壘水師扼長江公從油坊嶺趨扼洪山山在武昌城東北左近梁子湖右隔湯孫湖係絕地爲竄賊所必由時城賊懼以八月二十三日啓東北門遁公扼而截之賊路斷迎斬黃衣賊目數名賊崩奔悉趨山背復麾軍圍逼於沙湖塘角間賊爭赴水死填尸幾滿中多幼孩公見之大哭傳令拯救得二百有奇羣賊因而乞命者又七百有奇分別誅釋之武昌旣復進攻大冶戰於五里牌斬黃衣騎馬賊賊大奔燬賊壘二亡何賊反鬪伏突起刺傷公坐馬左右兩軍合擊賊復大潰爭橋渡橋斷多墮水死生擒百二十四人是日羅公有興國之捷於是兩軍會於興國籌進取羅公西擣半壁山公東剿富池口十月二日戰軍山背克之屯其地距羅軍十餘里中隔小河方造浮梁濟忽出賊千餘遏渡處別賊數千陣半壁山左右與羅公大戰公隔河爲聲援賊大敗旣又由富池口沿岸而上冀襲我軍後公擊走之浮梁成初五日田鎮賊渡江來犯公與羅公夾擊之殲賊四百餘溺斃半之是時賊所設橫江鐵鎖在南岸者已斷而北岸猶未破十三日水師大戰公及羅公列陣半壁山護之燔逆舟數千北岸鐵鎖悉銷燬賊遁竄廣濟黃梅田鎮旣克得 旨賞穿黃馬褂予騎都尉世職二十日公及羅公渡江繞至

斷州及賊於蓮花橋遇伏我前隊稍却公匹馬突陣手刃大旗賊追奔數十里遂復廣濟而黃梅爲賊必爭地悍僞秦日綱陳玉成羅大綱併力守之以數萬賊分布小池口孔壩驛而立堅壘五於大河浦龍頭寨等處嚴密與因鎮塔十一月朔師次雙城驛賊數路來犯公與羅公併力擊之追奔十里破其五壘弊賊三千餘生擒九十餘越日進次夏新橋距城四里公與羅公登山望知北門可攻遂親進搗我兵肉薄而登多受創公頭被石擊流血被面督戰益厲卒克黃梅曾公疏陳戰狀有 詔戒公輕進公讀之感泣尋攻孔壩驛南道小池口東臨水賊於西南北築土城公從西南路進攻累肩爲梯卓矛而躍遂大破之賊悉竄小池口分黨奔湖口與九江相犄角爲死守計公遂與羅公渡江攻潯城十二月朔攻西南門不拔驍將童添雲死之會水師被賊襲喪失輜重而賊餽率從江北接濟羅公從二套口渡江進攻小池口公率壯士二十八渡江督戰以衆寡不敵敗且戰且退公匹馬衝突爲諸營扞蔽有黃衣賊酋三人策馬來犯公以套馬竿圍一酋頸斬之且奪其馬餘賊皆靡公俟大隊沿江上單騎馳入鄉間馬陷泥淖中幾失道有田父夙耳公名留匿其家時除夕前一日也次日各軍以公未歸營洶洶失所倚有泣者夜三鼓鄉民忽送公渡江歸曾公羅公皆躍起跪而出握手相勞苦繼以泣公談笑自若曰飢甚速具飯啖我時合營皆驚喜歡聲如雷飯罷已元旦矣五年正月六日城賊出犯公擊斃二百有奇生擒二十有一公令暗伏地雷誘賊來撲而陷之果斃百餘賊其後戰屢捷而城終不下六月曾公與公約會於青山曾公謂宜移師東渡勦湖口及東流建德長驅直下公以攻具方備誓力破此城七月十八日傳令攻城忽患氣脫日中薨於軍年三十有九事聞

上震悼照將軍例

賜卹廕襲如例許入城治喪

賜祭葬

予諡忠武公長身火色居平粥粥若無能及臨陣

奮拳切齒口角流白沫若欲生啖賊者所乘鐵驢絕有力湘潭之捷殲賊酋所得也每戰不令士不出已前他軍被圍或小却必駭馬馳救背負火鎗一腰刀一手長矛及套馬竿各一技皆精絕無虛發每逼賊壘覘形勢比賊覺去已遠賊中驚以爲神而公雍容恬退未嘗一自詡也天性忠孝自擢提督於左臂還忠心報 國字左右嘗以海燕

窩進公愀然曰吾母夫人在都不知能給朝夕否忍甘此耶深夜呼親卒與絮語家事每至泣下偏裨小校直入內  
幄白事不俟傳宣治軍紀律嚴秋毫無所犯與最下卒同甘苦德化令進莞席以士卒皆臥草上却之及薨軍民逾  
時悲泣喪車過南昌所乘馬服鞍轡隨行將入城忽滿身汗濕人謂公靈實乘之云湖南江西及九江湘潭均奉  
旨建專祠公娶于氏生女一無子以弟子永承嗣其弟莽阿布先一年戰死獨流軍中

### 羅忠節公事畧

本朝武功邁前古所用皆八旗暨東三省勁旅各直省綠旗兵嘉慶初平定川楚教匪始以鄉勇輔兵之不足然十  
載二三耳迨粵逆起而楚勇湘勇名天下營兵或反爲世詬病此二百年來兵制之一變也楚勇始自江忠烈湘勇  
則自羅忠節公始公諱澤南字仲嶽號羅山湖南湘鄉人幼穎悟十歲能文家酷貧溺苦於學夜無油把卷讀月下  
倦即露宿達旦年十九喪母明年大父及兄嫂歿二十九長次子及三子皆殤是歲爲道光乙未大旱饑疫作公罷  
試徒步歸夜半啟門則其妻方以哭子喪明時飢甚索米爲炊無有也已亥補縣學生年三十有三矣又八年始食  
廩餼公自少篤志正學好儒先性理書賀制軍長齡唐太常鑑督重之制軍延課其子咸豐元年 詔舉孝廉方正  
當事以公應二年粵逆洪秀全等犯長沙縣令屬公練丁設防號湘勇明年侍郎曾公國藩奉 命督治團防適江  
西上猶土匪竄桂東檄公進剿行次衡山忽草中寇起衆千餘公擒首逆劉積厚等二十餘人進擊桂東賊走之時  
粵寇圍南昌公帥湘勇赴援既至土賊陷太和安福圍吉安公與劉公長佑往援勦賊解圍遁公追至安福復縣城  
日夕賊大至敗之明日又至我軍鏖戰一當百斬馘無數敗賊竄入湖南巡撫駱公秉章檄公同勦賊尋通會永興  
土寇亂曾侍郎檄公往勦戰於油榨墟平之公初以湘勇三百破安福賊數千與李公續賓分帶中右營共七百人  
至是增至千人屯衡州再平草市土寇斬首逆王大漢四年夏湘潭賊退公與提督塔忠武公會師東下六月攻岳  
州公以大橋路爲賊所必爭率所部扼橋守二戰皆捷殲賊千閭七月二日破高橋賊壘九賊退踞城陵磯公與塔

公乘勝進擊連破賊營三賊宵遁是役也公獨當大橋一面功最偉云尋自臨湘進駐長安驛賊分四路來犯公令偃旂息鼓乘間突起擊之賊大潰又破賊羊樓峒追至百花嶺再破之佛嶺進屯虎爪市連破桂口大沙坪賊壘復崇陽時武昌賊分黨由金牛入咸甯公擊走之追敗之官步橋又敗之金牛遂進駐江夏之紫坊始曾公約諸軍會紫坊及是召諸將至金口議攻武昌策公出所繪圖言紫坊出武昌有二道一洪山大路一沿江出花園當以重兵勦花園而分兵扼洪山防反竄諸將未決公請身任其難遂自攻花園而令塔公出洪山時花園悍賊萬餘築堅壘三一枕大江一瀕青林湖一跨長堤深溝堅柵列亘礮爲固八月二十一日官軍水陸進攻公直趨花園賊憑木城轟拒我軍伏地進分兵奪賊舟數十舟賊退營賊亦亂乘勢踰溝摩其壘同時並下翼日攻鮎魚套賊營川勇却公擊賊堤上隔溪不能救街口賊乘機出逼公奮擊敗之李公由江岸回援又大敗之賊竄洪山爲塔公所購是夕棄城遁二十三日武漢城皆復距會議時七日耳鄂城之克實本公謀也九月師出金牛敗賊於沿埠頭克興國塔公復武昌大治遂規取田家鎮鎮居大江北岸與半壁山斜對爲上游門戶舊設防兵陷於賊賊更爲鐵鎖以截水師而用重兵屯半壁夾江以守十月朔公搗半壁山賊數路來犯公策馬衝陣賊敗奔江邊感之墮水死者千入初四日塔公造浮橋渡小河爲賊所遏賊自半壁傾巢出北岸賊渡江助戰者近萬人僞王坐將臺督戰龍旂黃蓋勢張甚時公所部僅二千六百人衆色沮有潛遁者李公飛騎追三卒回手刃之軍心乃定公令堅伏弗動度賊銳已竭突起急攻賊大潰悉奔半壁山而後路爲我軍所扼不得上皆觸石墜崖死凡數千水師亦蔽江下斷橫江鐵鎖燔賊舟四千餘艘火光夜照數十里水陸夾擊田鎮平尋渡江次菩提埧塔公已先至兩次伏賊起皆擊敗之擒斬千三百遂復廣濟十一月進軍雙城驛賊扼險而營一鼓登山平其壘抵黃梅與塔公奪柵入縱火攻之賊竄城復遂進軍濁港遇悍賊解衣出戰堆積市肆間公焚之斬賊千餘生擒數十餘賊退保孔壠驛賊會羅大綱復從湖口率萬人至公分兵抄襲街口賊賊敗歸壘攻破之大綱逸去是役以五千人破賊二萬賊遂盡撤沿江各營併力守九

江安塔公渡江圍潯城公別勦盩山退湖口上援之賊攻梅家洲賊壘不能下水軍自湖口入彭蠡盡潯賊艘賊亦潛以小舟縱火襲我外江輜重艚水師潰公回駐九江會對岸小池口有賊公與李公率勇千四百人進勦塔公往助之渡江賊大至刃旣接我前軍却公急斂兵歸時十二月二十九日也五年正月北岸賊由黃梅廣濟上犯武昌復失曾侍郎入南昌別賊由浮梁陷饒州及弋陽檄公往援勦時公所部分三營李公將左蔣君益澧將右公自將中營唐君訓方劉君希洛各率勇從之三月大戰五里亭克弋陽賊尋陷廣信公壁城西烏石山賊三路來犯公方築壘不爲動俟其疲乏乘之大獲翼日賊復大至見我軍不動亦不敢前相持兩時許忽起乘賊大敗之遂四面薄城賊啓東門遁初賊驟至民不及避殺戮甚慘公至不三日復其城士民歡躍焚香遮道迎尋追賊至德興復其城賊趨景德鎮公引軍至賊遁未幾有義甯之役先是賊自崇通陷義甯江西大吏命都司吳錫光往援錫光故驍將至則全軍覆焉及是檄公進勦七月次梁口賊分兩路來拒我軍三伏以待之賊潰伏兵從山後出賊之抄我後者我軍反蹴其後斃賊六七百人越日進駐棋盤嶺以鼇嶺爲州城屏蔽急據之嶺距州七里左曰鳳凰山其右最高者曰雞鳴峰峰下即西門擺百貨所輳地軍據此全成在目矣十四日大戰以二千餘衆殪賊六七千賊奮氣閉城不出次日復戰又敗之盡焚江邊賊壘是夕賊棄城遁義甯旣克公上書曾侍郎其略曰武昌居吳楚上游九江爲豫章門戶今皆爲賊據崇通等處羣盜出沒江西之義甯武甯湖南之平江臨湘均無安枕之日欲克九江必由武漢而下欲克武昌必由崇通而入曾公因奏派公回援武漢而以彭三元普承堯所部實勇隸之九月進攻通城悍賊萬餘人見官軍至突出薄之公令軍士席地坐無譁待賊逼大呼奮擊斬賊將三人乃崩潰明日破城外三營奪門入克之尋進攻桂口令會攻通城之李原潛何忠駿等率平江勇駐守而自率所部克崇陽尋以分兵攻梯木山有濠頭堡之敗公整軍再戰復大捷進攻蒲圻間道出公安順初戰不利殊死鬪肉薄登城卒克之遂復咸甯自是武昌以南無賊蹤而逆渠石達開自崇陽乘虛入義甯江西賊勢日棘矣十一月師抵紫坊與巡撫胡文忠公

會合又會提督楊公岳斌於金口商進取策定議公率湘勇從東路壁洪山南岡胡公從中路壁城南隄上而令九溪營屯金口爲水師犄角時賊於武昌城外築堅壘十三高者與城埒公至方修壘胡公亦始至悍賊二萬從十字衝出胡公擊却之旋却旋至如是者數公與李公潛師出賽湖隄分兩路繞抄胡公所部見湘勇至悍賊走賊追之旋反擊則公等已抄出堅壘北遂破十字街營盡殪追賊無脫者於是賊皆總城入盡毀城東南賊壘公與諸將議曰西路八步街口爲我軍通江要路壘不破則軍糧無由達北路塘角爲賊通興治要路壘不破則賊糧無由斷遂造浮橋於鮎魚套進攻八步街以奇兵逼望山門襲賊壘後立平之於是西路賊壘亦盡尋與胡公合力攻城並攻塘角賊營毀漢陽門外一壘焚其船廠殲賊千城賊由竄出截我軍後路公與李公夾擊之又殺賊數百環西北城賊壘皆盡公以仰攻不易誘賊出城戰設伏敗之殪賊千賊急以大隊衝我伏兵公督兵橫截又斃七八百人是夜賊於望山門外葺石壘二高與城等我軍二路蹋平之李公出寨灣截賊餉道賊七八千人由塘角沿湖下抄其後公令劉君騰鴻等出洪山之東自率中營出洪山之西夾擊之殪賊千餘賊自此閉城不復出六年正月公率中營移屯洪山絕頂後右各營仍壁南岡爲犄角賊乘夜襲中營已摩壘矣我軍築石投之登者皆殪嗣是每夕輒至公設伏痛殲斬首四百賊始不敢復襲營二月賊掘賽湖隄劉君騰鴻出勦之及長虹橋遇伏力戰乃敗之公欲分軍扼寨灣賊出爭大戰於小龜山斬級六七百遂以二營駐其地明日賊由武勝門出萬餘人與我軍力戰隄上殲賊數百公追至城下繞城審視賊不敢出二十九日夜有大星隕於西北三月朔大霧不辨咫尺次日城賊出公親搏戰走之已而賊窺我守壘兵少大舉來犯公追賊至城下賊礮如雨中公右額裹創戰逾時歸而劇甚日夜危坐不寐越三日病甚不能起語誦諭皆時事口占忠義祠楹聯使人書之忽開目索紙筆仰臥書曰亂極時站得定纔是有用之學初八日晨起汗出如瀉握胡文忠手曰武漢未克江西復危不能兩顧死何足惜恨事未了耳其與迪菴好爲之迪菴李忠武字也語畢而隄年四十有九公貌樸氣沈究心濂洛之書通知世務期見諸施行在軍毅然以

賊賊自任所部將弁皆其鄉黨信從者故所向有功前後克城二十大小二百餘戰其臨陣以堅忍勝如其爲學或問制敵之道曰無他觀大學知止數語盡之矣左氏再衰三竭之言其注脚也烏呼此所由能以書生擢巨寇率生捷子弟數十人轉戰大江南北使湘勇之名遠出營兵上羞武夫之顏關其口而奪之氣而與忠烈江公同張大國威也歟公初以團練敘訓導晉知縣平安福晉直隸州知州克岳州擢知府 賞戴孔雀翎武漢克復遷道員尋授浙江甯紹台道以田鎮戰功加按察使銜克廣濟黃梅 賞葉普鏗額巴圖魯名號凡勇號皆由外請此出 特恩異數也義甯之役加布政使銜死事狀上 優旨照巡撫陣亡例 賜卹父嘉旦 賞頭品頂戴子兆作兆升均 賞舉人 詔湖南湖北江西各建專祠 賜祭葬 予諡忠節同治元年 詔湖南巡撫遣官即家 賜祭一壇三年克復金陵 特旨加雲騎尉世職所著小學韻語一卷詩文集八卷行於世周易附說讀孟子劄記西銘講義人極衍義 皇輿要覽彙藏於家

### 李忠武公事畧

公諱績實字克惠號通庵湖南湘鄉人沈毅寡言笑身長七尺膂力過人習騎射能挽三石弓羅忠節公講學里中公折節受學依依不去咸豐三年忠節募勇殺賊公奉父命往佐之所練鄉兵號湘勇從平桂東土匪未幾粵賊圍江西行省侍郎曾公國藩檄忠節往援公佐謝君邦翰將右營邦翰邑諸生故忠節弟子抵江西戰死公代將其營所稱湘右營者也曾土寇陷太和安福圍吉安遂同解吉安圍太和安福賊皆敗潰復馳剿永新事平議敘從九品師旋假歸甫三日趨衡州剿賊油榨墟進復永興次郴州敘功進縣丞初公所部僅二百六十人至是巡撫駱公秉章命增爲五百人明年駐衡州平常甯土匪時湘潭賊敗竄曾公統水陸軍東下檄湘勇從六月抵岳州壁大橋時湘軍兩營才千人分防八路賊日夜來犯提督塔忠武公約會攻賊巢兵始交我軍小却賊追騎大至公左右止數人戒曰毋走徐行陟山岡賊不敢逼已而我軍漸集公親搏戰斬大旗賊數人餘賊爭登山公曰是可取也手劍策

馬大呼而進斬賊目一人奪其旗追北十餘里明日塔公至營指所部贊曰好勇好勇與公語良久嘆曰名將也公自隨羅忠節從軍循循弟子列退然若無所知人無有異之者至是始以知兵聞時官軍日與賊戰斬賊數千公與塔公曰連旬戰賊不得據掠食且盡可乘機薄其壘明日遂進兵風雨驟至衆欲退公曰天助我也與塔公並轡督戰頃刻破數十壘岳州平權知縣 賞戴藍翎八月同羅公克崇陽咸甯進規武昌二十一日破花園堅壘及鮎魚套賊營明日克武漢語在羅忠節傳公擢直隸州知州 賞花翎九月同克興國州擒僞進士胡萬智斬之十月進攻半壁山賊巢時南北兩岸賊無慮十萬鐵鎖橫江賊舟艦聚數十里塔公師抵富池口以賊阻浮橋不克濟湘勇及寶勇僅二千六百人軍士多失色逃者三人公飛騎追還揮淚斬之軍心乃固逾日大戰殺賊數千赅其巢遂破田家鎮擢知府 賞藍勇巴圖魯名號授安慶知府常是時公知兵之名震天下初陸師分南北進剿楊制軍需剿北岸公隨塔公羅公剿南岸曾公督水師循江下僞丞相羅大綱守廣濟黃梅設卡壘數十田鎮破後僞燕王秦日綱檢點陳玉成皆往附之勢張甚總督不能前塔羅兩公及渡江北剿公率爲軍鋒每攻壘與塔公逼賊壘十數丈席地坐礮彈如雨下談笑自若忽躍起曰進則橫厲無前當者輒碎遂復廣濟及黃梅敗賊濯港再敗賊孔壩驛抵湖口敗賊梅家洲知九江未可驟下從羅公移營廬山十二月水師陷入彭蠡湖外江失利小池口賊勢復張湘軍退回九江公憤甚請於曾公自率千餘人以歲除前一日渡江攻小池口僞城塔公亦率二千人偕往因衆寡懸殊戰不克比暮始收隊而塔公獨未返公涕泣不食誓渡江再決死戰明日塔公竟覓舟返無恙時除夕三鼓矣明年二月武昌復陷當賊之從江北上竄也公知北岸官軍不能敵建議分南北兩軍夾江而剿令塔公益募勇三千合募軍五千專剿南岸別選大將率募軍三千益募勇五千直趨漢口剿北岸南北各自爲戰一圖安慶一圖金陵庶大局克有濟曾公聽其言將以北岸屬羅公以餉絀不果亡何曾公入江西饒廣告急檄湘軍援饒師抵章門則饒匪已陷弋陽三月偕羅公進敗剿賊大水橋復弋陽城賊趨陷廣信追擊之二日而城復移軍景德鎮會義甯州陷

江省大震七月進攻義甯奪蔡嶺賊隘賊大創棄州城遁語均詳羅公傳得 旨記名以道員用八月同羅公回援武漢克通城崇陽而岳州警報忽至公分兵趨蒲圻之羊樓峒會李君杏春彭君三元戰死崇陽之濠頭堡衆議馳救公曰死者無及矣生者必來歸賊乘勝遠鬪利在速戰宜堅守以持之俟其疲乃可擊也明日賊至我軍憑壘固守比暮賊將休公揮衆突之賊大潰追北至蒲圻翼日復其城並復咸甯 詔加公鹽運使銜帥師趨武昌壁洪山十二月破塘角賊壘分壁小龜山六年二月與劉公騰鴻扼寨灣斬賊數千屢戰皆捷忽羅公中礮卒當是時軍中新失大帥人情洶洶賊乘機築壘保安門外礮子及五里墩大營湖北巡撫胡公林翼奏以公總督諸軍公涕泣受命遂掃平保安門賊壘而江西瑞臨撫建等郡賊蔓延北及崇通蒲咸西及瑞昌皆陷賊乃分湘勇四千屬曾公國華劉公騰鴻等由咸甯進剿賊調知之屢出城來犯公敗之賽湖隄又敗之小龜山雙鳳山秋七月僞翼王石達開率援賊大至城賊將應之公分兵駐魯家港防援賊遣壯士數百人執所奪黃旗誘城賊賊信爲援至出城夾擊伏起礮賊過半及援賊既至禦之魯家港鏖戰三日城賊鑑前失疑懼不敢出援賊遂敗奔追至小龜山斬首八百別將與城賊鏖鬪賽湖隄公率師援之賊望其旂幟奔入城自是堅閉不出公募民夫開濠掘江水入湖爲長圍斷賊接濟賊益困十一月二十一日武昌復得 旨以按察使用尋分兵追剿克武昌渡江克黃州旋渡江克大冶興國遂直搗九江林啓榮者賊中最悍酋也前歲塔公圍攻時堅守弗下至是仍率衆死守夜無更柝望火城以內人聲寂然官軍潛薄之槍礮應聲下七年正月公用攻武昌法闕濠困之賊出城阻截閱數月濠始成四月皖賊上犯號十萬犯蘄州及黃梅羅田公分兵援蘄州賊稍退六月賊傾巢上犯蘄黃告急賊於廣濟童司牌築壘伺我軍公渡江剿平之八月破小池口僞城仍回九江先是四年秋賊奪江西戰艦沈塞湖口築壘石鐘山爲浮梁鐵鎖阻官軍隔岸梅家洲壘僞城環巨礮我軍仰攻不利其年十二月水師陷入內湖曾公益治水軍章門檄彭公玉麟統之水軍復振至是袁吉瑞臨以次皆復衆議會剿九江公謂九江賊恃湖口相犄角不拔湖口九江不可得也乃定計水

陸夾攻湖口九月八日公遣其弟續宜率馬步軍攻梅家洲僞城躬率師揚言剽宿松漏四下迂道八里江伏礮口後山士卒皆捫蘿上黎旦彭公率戰舟攻湖口東游擊黃君翼升率戰舟攻梅家洲提督楊公岳斌夾擊下鍾山賊方悉銳拒公率師從山椒破空下賊大驚遂盡殲其衆湖口立復梅家洲賊棄城遁於是內外水師始會合乘勝復彭澤夷小姑狀僞城得 旨除浙江布政使返九江適臨江逸賊竄興國冒雪遣兵往援擊走之八年春水陸晝夜攻九江賊守益堅我軍穴城城崩爲礮石所壅至稍遲賊旋堵禦公令壯士數百人擁盾自蔽先夕伏城濠四月七日地雷復發勇自礮內奮呼登城城立復殄賊數萬無脫者啓榮死亂軍中礮其屍九江平加巡撫銜 賞穿黃馬褂許專摺奏事方九江之破也公弟續宜率師攻麻城未合圍公以九江師益之躬請假歸省甫抵鄂而悍酋陳玉成由安慶糾潛太英霍賊分擾蕲黃警報日數至未幾賊間道陷黃安續宜分兵馳援不下公聞警取道黃陂約夾擊敗賊黃安門外賊遁麻城賊亦不戰走乃還鄂時皖中糜爛奉 命越境剿皖 詔將軍都興阿總兵鮑超率馬步軍由宿松趨安慶公由英山趨太湖乃令續宜駐軍鄂渚自帥八千人啓行議者謂出境剿賊宜益兵爲四翼各三四人而自帥中軍五路並進公以餽餉難之會會公奉 詔墨經起視師與公會於蕪州公遣將朱品隆唐義訓分千人爲之衛護者又謂宜調鄂中守礮勇以換留防九江彭澤之湘軍六千人隨同剿皖公以更調需時日即率守礮勇以行抵太湖適署皖撫李君孟羣師潰廬州 諭公及都公改道援廬公與諸將議曰由太湖救廬凡數百里廬已陷師至緩不能濟急且太湖圍撤賊由豫北竄是腹背受敵也遂決計取太湖掃蕩桐舒等縣直趨廬州時咸豐八年八月也是月克楓香驛小池驛賊巢復太湖乘勝復潛山遂進擣三河集三河集者廬州要害也賊築城傳以九壘用悍賊數萬守之三河破然後可進規廬州自克桐城後公令總兵趙克彰率六營守之又命副將謝永祜守舒城於是所部僅五千人九月二十八日抵三河十月二日破賊九壘斬馘數千計忽僞英王陳玉成自江浦六合率大隊來援僞侍王李世賢自廬州糾捻匪來援衆十萬連營金牛鎮白石山等處烽火互數十里諸將